

直隸絳州志卷之五

封爵

周

周以前封爵傳次無考

唐叔虞武王子生而有文在其手曰虞遂命之成王與之戲削桐葉爲珪以與叔虞曰以此封若史佚因請擇日封於唐在河汾之東方百里

晉侯燮叔虞子以堯墟南有晉水故改曰晉

武侯用於晉侯燮子

成侯服人武侯子

厲侯福

史記索隱曰
系本作輔

成侯子

靖侯宜臼厲侯子立十八年薨

釐侯司徒靖侯子立十八年薨

獻侯籍

史記索隱曰系本及樵周皆作蘇

釐侯子立十一年薨

穆侯費生

史記索隱曰鄒誕本作弗生或作潛生

獻侯子取齊女姜氏爲

夫人生太子仇又生少子名曰成師大夫師服曰異

哉君之命子也太子曰仇仇者讎也少子曰成師成

師大號成之者也適庶名反逆此後晉其能毋亂乎

立十七年薨

殤叔穆侯弟自立四年穆侯太子仇率其徒襲之

文侯仇穆侯子幽王爲犬戎所殺文侯與鄭武公迎太

子宜曰立之是爲平王遷於東都平王以文侯爲方伯賜以秬鬯弓矢作策書命之故書有文侯之命立三十五年薨

昭侯伯文侯子初立卽封文侯弟成師於曲沃號爲桓叔曲沃邑大於翼翼晉都邑也晉國之衆皆附焉晉大臣

潘父弑其君昭侯而迎桓叔桓叔欲入晉晉人發兵攻之敗歸曲沃

季侯平昭侯子立十五年曲沃桓叔子莊伯弑季侯於翼晉人攻曲沃莊伯復入曲沃

鄂侯郟季侯子立六年薨

哀侯光鄂侯子初鄂侯卒曲沃莊伯興兵伐晉平王使

虢公將兵伐曲沃莊伯走晉人共立哀侯立二年曲

沃莊伯卒子稱代立是爲武公晉侵陘廷

賈逵曰翼南鄙邑名

陘廷與曲沃武公謀伐晉於汾旁虜哀侯爲莊伯弟
韓萬所殺

小子侯哀侯子立四年曲沃武公誘而殺之

緡侯哀侯弟立二十八年爲曲沃武公所滅

武公稱曲沃桓叔孫莊伯子滅晉後盡以寶器賂釐王

王命武公爲晉君列於諸侯盡并晉地而有之武公

卽位曲沃已三十七年矣代晉二年而薨始都晉國

獻公詭諸武公子伐驪戎得驪姬及其弟俱愛幸之驪

大夫士蔿說使盡殺故晉羣公子而城聚

賈逵曰都聚晉邑

之命曰絳始都絳驪姬生奚齊其弟生卓子姬誣太子申生自殺復譖二公子重耳奔翟夷吾奔梁立二十六年而薨屬奚齊於荀息里克殺奚齊於次荀息復立卓子而輔之里克又殺卓子於朝

惠公夷吾獻公子秦穆公發兵送夷吾於晉後無禮於秦戰於韓被執復釋歸國立十三年薨

懷公圉惠公子曾質於秦亡歸立一年爲重耳所殺

文公重耳獻公子出亡十九年而入立圉曹伐衛釋宋

敗楚師於城濮盟諸侯於踐土事詳左傳立九年薨

襄公驩文公子立七年薨

靈公夷臯襄公子年幼不君執政趙盾諫不聽立十四
年爲盾族子趙穿所弑

成公黑肱文公子襄公弟趙盾使趙穿迎於周立七年
而薨

景公據成公子從大夫韓厥言遷都於新田立十九年
薨

厲公壽曼景公子公侈多外嬖欲盡去羣大夫而立其
左右聽胥童夷羊伍之言族滅三御立八年爲大夫

樂書中行偃所執尋被弑

悼公周襄公少子桓叔捷之孫惠伯談之子生十四年
樂書使荀瑩士魴迎於京師至絳與諸大天盟而立
之命百官施舍已責逮鰥寡振廢滯匡乏困救災患
禁淫慝薄賦歛宥罪戾節器用時用民欲無犯時六
官之長皆民譽也舉不失職官不易方爵不踰德師
不凌正旅不偪師民無謗言晉於是復霸立十五年
薨

平公彪悼公子委趙武爲政晉國無亂諸侯無缺立二
十六年薨

昭公夷平公子時六卿強公室卑諸侯朝而歸者皆有
貳心立六年薨

頃公去疾昭公子晉宗家祁奚孫叔向子相惡於君六
卿欲弱公室乃遂以法盡滅其族分其邑爲十縣各
令其子爲大夫晉益弱立十四年薨

定公午頃公子召陵之會將謀伐楚荀寅求貨於蔡弗
得言於范獻子遂辭蔡侯晉人假旗旄於鄭明日或
旆以會晉於是失諸侯立三十七年薨

出公鑿定公子立十七年智伯與趙韓魏共分范中行
地以爲邑出公怒告齊魯欲伐四卿四卿恐反攻出

公遂奔齊薨於道

哀公驕昭公會孫祖大雍父忌忌善智伯早死時智伯欲并晉未敢乃立忌子驕爲君政皆決智伯立十八年薨

幽公柳哀公子時晉獨有絳曲沃餘皆入三晉立十八年爲盜所殺

烈公止幽公子魏文侯旣誅晉亂立之閏二十七年薨
孝公頡烈公子立十七年薨

靜公俱酒史記索隱曰系本作靜公俱也孝公子立三年爲魏武侯韓

哀侯趙敬侯所滅三分其地晉絕不祀

魏文侯斯周同姓畢公高之後封於畢因以畢爲姓後
絕封其裔畢萬事晉獻公獻公以魏封萬爲大夫從
其國名爲魏氏生武子犇從文公出亡令襲魏氏後
爲大夫犇生子顛及呂錡莊子絳絳生嬴嬴生舒舒
生取取生曼都皆爲晉卿至桓子駒三分晉地晉哀
侯時桓子孫斯自立爲侯至晉烈公時威王始命韓
趙魏皆爲諸侯文侯立三十八年薨

魏武侯擊文侯子與韓及趙三分晉絳曲沃地而廢靜
公立十六年薨

漢

絳侯周勃沛人以中涓從高祖定天下六年賜爵列侯
食絳八千餘戶號絳侯惠帝時爲太尉呂后崩與陳
平共誅諸呂文帝立爲左丞相未幾歸相印陳平卒
復用爲丞相未幾免就國歷封三十三年孝文十一
年薨諡曰武

絳侯周勝之勃子文帝十二年嗣爵六年有罪免別封
勃子亞夫爲條侯景帝後元元年有罪免復封勃子
堅爲平曲侯子建德代侯爲太子太傅坐酎金免元
鼎五年有罪國除

絳侯周恭元始二年繼絕世復封勃元孫之子恭爲絳

侯邑千戶

絳陽侯華毋害以越將從起留入漢定三秦擊臧荼侯

七百四十戶從攻馬邑及布有功六年封絳陽侯

漢書

作終陵侯封三十五年薨諡曰齊

絳陽侯華勃毋害子文帝四年嗣爵封十六年薨諡曰

恭

絳陽侯華祿勃子文帝後元四年嗣爵景帝四年坐出

界有罪國除

西魏

正平郡公宇文招周太祖子恭帝三年四月封邑一千

戶周武成元年九月晉趙國公

北齊

正平郡公薛修義以軍功封子文殊襲

北周

正平公宇文乾嘉護子

隋

北絳公姚察秘書丞

正平郡公楊文思開皇元年晉爵

絳郡公李禮成周封冠軍縣公開皇初以佐命功晉封

唐

絳王李悟憲宗第六子元和元年繇文安郡王晉封

絳郡公裴士淹以禮部尚書封

正平男裴光庭行儉子開元二十年從祖后土封子正

孫倩襲

正平公裴灌以禮部尚書封見人物

正平子裴洪以司農少卿封

絳城安陽男崔知德博陵人

金

絳王完顏洪裕章宗子明昌二年追封

明

靈邱王遜炏太祖孫代簡王桂庶子永樂二十二年封
好學工詩有雲溪稿尤善醫劑藥徧給天順五年別
城絳州成化十一年薨諡榮順

靈邱王仕塲榮順王嫡子成化十三年襲封洪治六年
薨諡僖靖

靈邱王成鈹僖靖王庶子洪治七年襲封十年薨諡莊
和

靈邱王聰漏莊和王嫡子洪治十二年襲封嘉靖三十
四年薨諡端懿自僖靖至端懿三代皆以孝旌

靈邱王俊格端懿王嫡子洪治十七年封長子善屬文

聚書數萬卷摹古篆籀六十餘種勒石名崇理帖世
宗時獻皇儲明堂二頌興獻帝后挽歌賜金帛著天
津集嘉靖二十四年卒四十二年以曾孫鼎鏞襲封
追封王諡康悼

靈邱王克燠康悼王嫡子嘉靖元年封長孫二十年卒
四十二年追封王諡悼懿

靈邱王廷址悼懿王嫡子嘉靖二十四年封會長孫三
十一年卒四十二年追封王諡懷僖

靈邱王鼎鏞懷僖王嫡子嘉靖二十四年封元長孫四
十二年襲封隆慶三年坐非刑致死曾叔祖降爲庶

入爵除

職官上

漢設郡守一秩二千石丞一秩六百石景帝二年更名太守武帝元封五年初制刺史秩六百石成帝綏和元年更名牧秩二千石哀帝建平二年復爲刺史元壽元年復爲牧

周勃

按舊志以勃爲絳職官勃食邑於絳非宦絳也漢書勃免就國每河東守尉行縣至絳勃自畏恐誅則知絳自有守尉但世遠不能紀其名耳茲仍舊志不刪去周勃欲借以載漢官制故也

西華縣志 卷之五
北魏置東雍州設刺史一別駕一太和十一年置正平郡改刺史爲太守領聞喜曲沃二縣

沮渠秉太武帝太平真君初東雍州刺史

伊 馥太武帝時東雍州刺史

游 雅太武帝時東雍州刺史

張宗之文成帝時東雍州刺史

陸 凱獻文帝時正平太守詳宦績

劉乞歸獻文帝時東雍州刺史

杜洪太季文帝太和中絳州鎮將

裴 粲宣武帝時正平太守

薛 和宣武帝時行正平郡事

王 誕孝明帝時正平太守

柳元璋孝明帝時正平太守大中正

樊子鵠孝明帝時都督河東正平軍事

薛循義孝莊帝時爲洪農河北河東正平四郡大都

督天平四年拜晉州刺史南汾東雍陝四州行臺

薛修義孝莊帝時爲洪農河東正平四郡大都督

楊 侃孝莊帝建義初東雍州刺史

楊仲宣孝莊帝建義初正平太守加安西將軍

薛 衍孝莊帝永安中正平太守

楊 辯 孝莊帝時東雍州刺史

金 祚 孝莊帝時東雍州刺史

趙 善 前廢帝時持節東雍州諸軍事

薛嘉族 前廢帝時正平太守

王 德 孝武帝時行東雍州事

酈道慎 正平太守 以下年分無考

辛 穆 東雍州別駕

薛光熾 東雍州刺史

王 琳 東雍州刺史

伊婁靈 絳州刺史

原书缺页

原书缺页

梁 禦大統中刺史詳宦績

寇 洛大統四年侍中鎮東雍州

高 琳大統九年除正平郡守加大都督

宇文導大統九年都督東雍州諸軍事

劉 亮大統十年刺史詳宦績

裴 邃大統中正平郡守

薛 端大統中東雍州大中正

達奚武廢帝元年以大將軍鎮玉壁詳宦績

敬 頻北絳太守 以下年分無考

裴 纂正平太守

段榮顯正平太守

北齊

傅 伏後主武平六年東雍州刺史詳宦績

劉子明絳州別駕

北周

裴文舉武帝保定三年絳州刺史詳宦績

長孫兕武帝天和中絳州刺史

楊 儉東雍州刺史

隋初仍刺史之舊兼設長史一郡丞一大業初置絳郡
設通守治正平絳稷山聞喜垣五縣始有正平令之

稱

韋世康高祖開皇初絳州刺史詳宦績

梁軌以內將軍爲正平令詳宦績

張孫兕開皇中絳州刺史

吐萬緒高祖仁壽中晉絳二州刺史

郭惟通志作郭雅仁壽四年絳州長史

陳叔達煬帝大業中爲絳郡通守詳宦績

裴文度絳州留守知蒲虞絳秦等十六州兵馬事

李陶駮絳州長史

張惠寶絳郡丞

李安遠大業末正平令詳宦績

裴瑜絳州刺史

王凝以尚書郎出爲絳州刺史

唐武德元年置絳州總管府管絳潞蓋建澤沁韓晉呂
檜秦蒲虞芮邵十五州改太守曰刺史天寶元年改
刺史曰太守又設別駕長史司馬錄事叅軍各一員
其節度防禦觀察等使設置無常

姜暮舊志作姜譽上邽人從高祖平絳郡詳宦績

蕭顓高祖武德二年絳州刺史

羅士信武德初絳州總管詳宦績

李琛武德初蒲絳二州總管

楊琮武德中絳州刺史

孔正武德末絳州刺史詳宦績

薛世良太宗貞觀二年絳州刺史

李元軌貞觀十年絳州刺史詳宦績

李元禮貞觀十七年絳州刺史詳宦績

鮮于紹絳州刺史詳宦績

李靈夔高宗永徽中絳州刺史

李元懿總章元年絳州刺史詳宦績

武攸止武后嗣聖時絳州刺史

李素節光宅元年絳州刺史

李元嘉垂拱四年絳州刺史詳宦績

李朝隱中宗神龍中絳州刺史詳宦績

張錫神龍中絳州刺史

李湛神龍中絳州刺史詳宦績

楊睿交神龍中絳州別駕

趙彥昭景龍四年絳州刺史

張賜睿宗景雲元年絳州刺史

李範元宗開元初絳州刺史

韓思復開元中絳州刺史充河東巡問賑給文律記

宦績

嚴 浚開元中絳州刺史華陰人詳宦績

源 弼開元八年絳州司功參軍

盧從愿開元十六年絳州刺史

徐 堅開元中絳州刺史

李光弼天寶開以中書令爲河中尹晉絳等州節度使

嚴挺之大寶開絳州刺史詳宦績

鄭 巖天寶末絳郡太守

李栖筠肅宗至德中絳州刺史詳宦績

正統系州元
卷之五
王
韋 陟乾元初絳州刺史詳宦績

王 璵乾元二年蒲同絳等州節度使

蕭 華乾元二年河中尹充河中晉絳節度使

蘇 震乾元中絳州刺史詳宦績

郭子儀寶應元年河中節度觀察使詳宦績

僕固懷恩代宗廣德二年領河東朔方節度行營兼

單于鎮北大都護絳州刺史

楊子宏廣德二年絳州刺史

馬 燧大曆十二年爲河東節度使德宗正元元年

拜晉絳慈隰節度使詳宦績

張 鎰大歷十四年河中晉絳都防禦觀察使

李 承建中二年河中尹充河中晉絳都防禦觀察使

趙惠伯建中二年河中尹充河中晉絳慈隰都團練觀察使

李懷光建中初河中尹邠當慶晉絳慈隰節度使

杜 亞建中初河中尹充河中慈隰防禦觀察使

李齊運建中末河中尹兼河中晉絳慈隰觀察使

康日知貞元元年河中晉絳慈隰節度使

李 晟貞元元年河中晉絳慈隰節度使詳官績

正統絳州志 卷之三
渾 瑊貞元初充河中絳慈隰節度使詳宦績

崔漢衡貞元四年晉絳慈隰觀察使加都防禦使

姚齊梧貞元十一年絳州刺史

杜 確貞元中河中晉絳觀察使

李 憲貞元中太原府叅軍絳州刺史昭義節度使

詳宦績

盧元輔貞元中絳州刺史詳宦績

常 武貞元中絳州刺史詳宦績

常 丹元和元年晉絳慈隰觀察使

杜黃裳憲宗元和二年河中尹充河中晉絳慈隰節度使

度使詳宦績

趙宗儒元和九年河中尹充河中晉絳慈隰節度

察使

李 脩元和中絳州刺史

郭 釗穆宗長慶初河中尹領晉絳慈隰節度使

崔宏禮長慶初絳州刺史

李 愿長慶中河中晉絳節度使

薛 平敬宗寶歷元年河中絳隰節度觀察等使

李 程文宗太和四年河中尹河中晉絳節度使

王 起太和六年河中尹河中晉絳節度使

正統絳州志 卷之五
李 漢太和九年絳州刺史詳宦績

夏侯孜 太和中絳州刺史咸通八年河中尹充河中

晉絳節度使

李 聽開成初晉絳慈隰節度使

鄭 肅開成三年河中尹河中晉絳觀察等使

石 雄武宗會昌初河中尹河中晉絳節度使詳宦

績

狄惟謙 會昌初爲絳隰刺史詳宦績

陳夷行 會昌三年河中尹河中晉絳節度使

崔 璿 宣宗大中三年河中尹充河中晉絳慈隰等

州節度觀察等使

杜審權大中十一年河中尹河中晉絳節度使

令狐綯大中十三年河中尹河中晉絳節度使

白旆中懿宗咸通三年河中尹充河中晉絳節度使

崔慎由咸通初河中尹充河中晉絳節度使

楊損咸通中絳州刺史詳宦績

唐彥謙僖宗中和中河中節度副使歷晉絳二州刺

史詳宦績

王友遇光啟中刺史

陸扆光啟二年絳州判官詳宦績

王 瑤昭宗乾祐初絳州刺史

陶建釗光化二年絳州刺史通志作天復元年

何 綱光化四年絳州刺史

張廷蘊天祐中絳州防禦使詳宦績

張 圓攝絳州刺史詳宦績 以下年分無考

樊宗師絳州刺史詳宦績

薛 記絳州刺史

李 勛淮南王神通五世孫絳州刺史

李 迴榮陽郡王瑒子絳州刺史

裴依訓延休從子絳州刺史

裴 銳文度七世孫絳州刺史

薛象之汾陰人絳州刺史

李 萱趙郡人絳州刺史

盧 玠范陽人絳州刺史

崔 睦琨從子絳州刺史

王源會臨沂人絳州司馬

裴 涑聞喜人徙居襄陽絳州叅軍

裴 湘絳州司馬叅軍

瞿 正絳州刺史

李承業絳州刺史

唐義友晉昌人絳州刺史

鄭茂林絳州刺史

崔喜絳州刺史

杜之杜絳州刺史

李崇義河簡王季恭子蒲絳二州刺史後封譙國公

楊知遠字明之絳州刺史

于季友京兆人絳州刺史

蕭仲豫昭明太子七世孫絳州刺史

張溫其曲沃人絳州刺史

李復元季恭六世孫正平令

鄭 豐滎陽人正平令

常守素京兆杜陵人絳州司功叅軍

常 甯守素族弟絳州司兵叅軍

郎餘令絳州刺史霍王府叅軍

毛宜伯絳州監軍

攝宏裕絳州監軍

李希悅右衛絳州新田府折衝都尉

張行恭絳州刺史

後五代爲雄州置刺史防禦使防禦副使防禦判官錄
事叅軍各一員

梁

牛存節太祖開平元年絳州刺史

張歸厚乾化時絳州刺史

華溫琪末帝時絳州刺史

婁繼英絳州刺史年分無考

後唐

高行周莊宗時絳州刺史

楊彥溫明宗長興元年絳州刺史

周知裕明宗時絳州刺史

薛懷讓絳州刺史年分無考

王萬資出帝開運三年檢校司徒持使節絳州諸軍事充本州防禦使

張從美開運二年防禦副使

李從朗開運開絳州刺史

閻鸞開運開判官

漢

王宴高祖時絳州防禦使尋遷建雄軍節度使

周

陳思讓太祖廣順元年權知絳州二年遷絳州防禦

使

竇 偁廣順閒絳州防禦判官

郭 瓊世宗時絳州防禦使

劉 質絳州刺史 以下年分無考

王 卿將仕郎錄事叅軍

何保樞推官

宋置知長州一員通判軍州事添差通判軍州事軍事
通判軍事推官錄事司理司法司戶叅軍各一員軍
學教授一員其都巡檢使防禦使團鍊使鈐轄等官
設置無常

李 度太祖建隆初絳州團鍊使

沈繼深建隆中絳州刺史

郭廷謂乾德二年絳州防禦使

司 超乾德六年絳州防禦使

陸萬友太宗太平興國初晉絳等州都巡檢使

裴 莊太宗時絳州防禦推官

張 紳太宗時絳州團鍊副使

孫 中真宗咸平元年承奉郎將作丞通判軍州事

耿 說景德元年承奉郎守太子中舍知絳州軍州

事

錢惟濟大中祥符中知絳州詳宦績

張耆大中祥符中絳州防禦使

李垂真宗時知絳州詳宦績

呂夷簡真宗時絳州軍事推官詳宦績

富弼仁宗時以將作監丞關決絳郡事詳宦績

文彥博仁宗時絳州通判

李仲孺寶元二年知絳州

張昇仁宗時知絳州詳宦績

王仲寶仁宗時澤潞晉絳威勝軍巡檢使

張昞仁宗時絳州兵馬都監

薛長孺州人嘉祐元年尚書比部員外郎知絳州

李大臨仁宗時絳州推官詳宦績

劉兼濟仁宗時晉絳澤潞都巡檢使

竇卞英宗時知絳州

裴士林治平元年尚書虞部員外郎通判軍州事

宋敏求神宗初知絳州詳宦績

朱壽昌熙寧中河中府通判以將作監丞關決絳郡

事詳宦績

梁璧熙寧中司理叅軍

薛向神宗時知絳州

謝皓元豐中出守絳州詳宦績

蘇轍哲宗元祐六年知絳州

周洪名紹聖三年朝請郎自刑部尚書郎中出守絳

州

時恪徽宗建中靖國元年朝散大夫知絳州軍

喬延慶大觀三年朝奉郎通判軍州

李皓宣和三年朝請郎權軍州事

張旂宣和年間朝請郎通判軍州

趙子清欽宗靖康中絳州鈐轄

龔昌靖康中知絳州詳宦績 按宋史朝議以

河輪金昌奉使至絳絳人不從爲銜轉趙子清所
殺昌固未嘗一日蒞絳也舊志疑誤

趙世延絳州防禦使 以下年分無考

胡旦進士第一知絳州

遼

宗 弼開泰七年絳州節度使

金天會六年置絳陽軍節度使又設節度副使節度同
知節度判官各一員興定二年改晉安府行元帥府
事總管河東南路兵馬

范承吉熙宗天眷五年知絳州詳宦績

曹望之金主亮天德中絳陽軍節度副使

高昌福天德中絳陽軍節度副使

大興國天德中絳陽軍節度使

完顏京正隆六年絳陽軍節度使

龐 迪世宗大定初絳陽軍節度使

完顏永元大定中絳陽軍節度使

烏居仁大定二年絳陽軍節度兼管內觀察使

高汝礪大定中爲石絳二州刺史詳宦績

郭 通大定中絳陽軍節度使詳宦績府志作郭子

通

元大定十五年絳州刺史

石玠大定二十年絳州刺史

韓錫大定二十二年絳陽軍節度使

蕭謙大定二十二年節度副使

張亨大定二十五年絳陽軍節度使

王夔大定中朝請大夫節度同知

伊仲連大定中節度同知

劉景大定中節度判官

烏林大撒海大定中節度副使

裴滿章宗明昌元年節度使四年同知西京留守

張建明昌初教授

王啟明昌五年河東南北提刑使正隆閒兼提舉學校常平倉使

孫鐸承安元年絳陽軍節度使

烏林答復承安四年絳陽軍節度使

孟鑄太和八年絳陽軍節度使

高霖章宗時絳陽軍節度判官

烏古論德升章宗時絳陽軍節度副使

納蘭胡魯刺進士第一宣宗貞佑中遷絳陽軍節度

使詳宦績

古里甲石倫貞祐四年絳陽軍節度使權經畧使

李革貞祐四年絳陽軍節度使

陀滿胡土門興定二年絳陽軍節度使

田世英興定二年教授詳宦績

粘割貞興定三年行晉安元帥府事

完顏閻山興定三年行晉安元帥府事

伯德窳哥興定三年遙授同知晉安府事

張升天興二年絳州錄事詳宦績

田灝絳陽軍節度使以下年分無考

許濟絳州節度使

正平縣志卷之三
趙興祥絳陽軍節度使

張 元絳州正平令詳宦績

直隸絳州志卷之六

職官下

武職附

元初爲中州仍置節度使行元帥府事後罷節度使以
州隸平陽路置達魯花赤一員蒙古人爲之視篆監
臨總管一員漢人爲之掌判署事同知治中判官各
一員提控案牘兼照磨一員路學教授一員學正學
錄各一員蒙古學教授一員司錄司達魯花赤一員
判官典史各一員

脫兒察世祖至元二年絳州達魯花赤兼管本州諸
軍與魯勸農知渠堰事

武 戢至元二年知絳州兼管本州諸軍與魯勸農
知渠堰事

亦不刺至元二年以忠顯校尉任同知

張 麒至元二年以承仕郎任州判

趙 英至元二年案牘

張 利至元二年都目

宋景庠至元三年教授

名 力至元十三年達魯花赤

郭天佑至元十三年知絳

攸中孚至元十三年同知

趙 福至元十三年州判

鐵 連至元十五年達魯花赤詳宦績

帖 連至元十七年達魯花赤

八里斛至元十七年知絳州

杜 淮至元十七年以承仕郎任同知

范 仁至元十七年以從仕郎任州判

帖木兒至元二十四年達魯花赤

郭 瑀至元二十四年知絳州

米 顯至元二十四年以忠顯校尉任同知

劉仲文至元二十四年以從仕郎任州判

世宗絳州志 卷之六
鄭恩恕至元二十四年都目

蠻 子至元二十七年達魯花赤

岳世安至元二十七年同知

馬世榮至元二十七年以敦武校尉任州判

王 正至元二十七年都目

彭仲德至元中知絳州詳宦績

程元直至元中知絳州詳宦績

王 佐至元中以承務郎任同知

杜 兒至元中同知

郝來麟成宗元貞元年知絳州

璩璣國元貞元年州判

續致中元貞元年教授

成伯都元貞元年都目

火跡赤大德二年達魯花赤

粘合瑋瑋通志作璋大德二年知絳州

陳嘉佑大德二年同知

郭元大德二年州判

甯械大德二年教授

王說大德二年都目

月魯帖木兒大德二年達魯花赤

朱 泚大德八年知絳州

王 震大德八年同知

關執中大德八年州判

張 澄大德八年案牘

劉 澄大德八年都目

沙 的大德十一年達魯花赤

唆吉牙失里大德二十年達魯花赤

和 節仁宗皇慶二年教授

朶兒只皇慶六年同知

鐵 閭皇慶十四年同知

劉世英順帝後至元六年絳州節度使兼行元帥府
事

李榮祖至正二年知絳州詳宦績

邢得昂至正三年以忠勇校尉任州判

孫存義至正六年知絳州

孟禮至正六年以敦武校尉任州判

韓伯甯至正六年案牘

馮明至正六年都目

彭木旱旱通志作早至正十一年知絳州

白希魯至正十一年都目

宋克篤至正十四年知絳州詳宦績

張文獻至正十四年案牘

王守信至正十四年都目

劉履謙至正間州判詳宦績

劉亨安絳州節度使兼行帥府事詳宦績 以下年

分無考

劉德仁絳州節度使兼行帥府事

許文遠絳州都督今北關有惠愛碑

黑 斯斯舊志作斯達魯花赤

武叔安知絳州

靳和知絳州詳宦績

和元直知交城陞知絳州按和元直疑卽程元直舊志府志俱有程無和通志殆譌梓爲和遂並載之歟

張仁知絳州

韓仲謙知絳州

劉貞亨安子知絳州

彭克明知絳州

永壽通志作永一壽知絳州

曹世能知絳州

王守忠知絳州

石正卿知絳州

石慶甫知絳州

靳柱正平縣尹詳宦績

席永堅正平縣尹

李郁教授

常行義教授

冀甯教授

景春教授

邢允修教授

皇甫冠教授

明置知州一員同知一員判官一員吏目一員儒學學
正一員訓導三員稅課局大使一員陰陽學典術醫
學典科僧正司僧正道正司道正各一員

知州

顧登洪武十年任詳宦績

吳居仁洪武十七年任

石穩洪武二十八年任

李學河南祥符人正統四年任詳宦績

王汝績江西金谿舉人正統九年任詳宦績

劉 誥北直昌黎人景泰三年任有去思碑

李 瓊廣西靈川人天順元年任

許 茂乾州人成化二年任

言 芳山東鄒平人成化六年任詳宦績

林士宏湖廣湘陰監生成化九年任本州同知陞

許 琪山東滋陽人成化十三年任

劉 觀山東平度州人成化十五年任詳宦績

賈 定河南通許進士成化十八年任詳宦績

董 甯順天灤縣進士洪治二年任陞員外郎轉僉

事

時 中南直隸常熟進士洪治五年任陞員外郎

徐崇德山東濟甯州舉人洪治十二年任陞府同知

詳宦績

趙希魁河南儀封舉人正德三年任陞府同知

江 璋南直隸歙縣舉人正德五年任

韓 轍遼東衛舉人正德六年任歷陞知府

易 謨河南固始進士正德九年任詳宦績

費一本湖廣江華舉人正德十年任

李文潔江西貴溪舉人正德十二年任詳宦績

程 鴻陝西延安舉人正德十六年任

程騰漢嘉靖閒任

黃建浙江舉人嘉靖七年任陞松江府同知

錢貢蘄水舉人嘉靖十年任陞廉州府同知詳宦

績

劉璠陝西潼關舉人嘉靖十四年任

高光烈山東膠州舉人嘉靖十四年任

張文弼北直深州舉人嘉靖十七年任陞刑部郎

中詳宦績

彭燦河南靈寶舉人嘉靖二十年任陞按察司

副使詳宦績

劉 萬河南鄭州舉人嘉靖二十三年任

劉朝麒臨洮衛舉人嘉靖二十八年任詳宦績

許用中山東東阿舉人嘉靖三十二年任歷陞口北
道僉事詳宦績

黃 儒舊志作貴儒河南汝陽舉人嘉靖三十五年
任詳宦績

胡應命山東淄川舉人嘉靖三十七年任

傅 鳳河南臨漳舉人嘉靖四十一年任

邢 化山東臨邑官生嘉靖四十三年任詳宦績

宋應昌浙江仁和進士隆慶元年任詳宦績

張允濟固安進士隆慶四年任詳宦績

屈大陞陝西咸甯舉人隆慶六年任詳宦績

李遷喬山東安邱舉人萬曆四年任詳宦績

田子堅河南永甯進士萬曆七年任擢監察御史歷

官四川按察司僉事

李賦直延安舉人萬曆十年任

張應舉咸陽舉人萬曆十二年任

尹鳳儀山東新泰舉人萬曆十四年任詳宦績

白璧陝西清澗舉人萬曆十八年任詳宦績

杜濬北直任邱舉人萬曆十九年任詳宦績

王大棟萬曆二十二年任詳宦績

盧 點萬曆二十八年任詳宦績

范 垠陝西郃陽選貢萬曆三十年任詳宦績

許繼先聊城舉人萬曆三十一年任

張繼東南直隸丹徒舉人萬曆三十二年任詳宦績

方立誠太平舉人萬曆閒任詳宦績

朱正寅雲南舉人萬曆閒任詳宦績

錢濟吾陝西西安化舉人萬曆四十年任

劉二典北直舉人

朱學忠臨淮舉人

直隸絳州志 卷之六 九
竺繼良丹徒人詳宦績

高邦彥北直舉人

謝道坤舉人

楊了鳳舉人

熊儀隨州舉人

葛曠北直舉人

何言常州舉人崇禎初任

雷狃陝西郃陽舉人崇禎六年任詳宦績

党琬陝西城固人崇禎閒任詳宦績

賈我年山東定陶進士崇禎閒任

蔣汝賢北直舉人崇禎閒任

孫順貴州進士崇禎十四年任詳宦績

白爾土北直舉人崇禎閒任

石瑩玉陝西甘泉進士

同知

廉博洪武十二年任

李彥達洪武十七年任

張鎖正統元年任

蕭遷正統四年任

王嘉正統閒任

直隸新州志 卷之六
李 性滕邑人景泰三年任

劉 紳天順元年任

鄭 惠成化初任

劉 寬陝西平涼人成化十三年任

王 慶直隸祁州監生成化十六年任

王 宣山東泰安州人成化十九年任

梁 誠山東武昌舉人洪治元年任

齊 霄陝西幽州舉人洪治四年任

孫 魁直隸密雲監生洪治十三年任

郭 鉞直隸魏縣舉人洪治十六年任陞知州

李 睿陝西涇州監生正德四年任

劉 還直隸宿州監生正德九年任

沈希義直隸伍河監生正德十二年任

仝 伸陝西吏員嘉靖七年任

崔 笙山東監生嘉靖十年任

謝 紘浙江進士嘉靖十四年任主事降補

劉 庚湖廣監生嘉靖十七年任

李 性直隸清豐監生嘉靖二十年任

万 弁四川吏員嘉靖二十三年任

金 翮浙江樂清進士以郎中降補詳宦績

鄭仁夫福建莆田吏員嘉靖三十五年任

趙性魁直隸行唐監生嘉靖三十七年任

蕭儼南直隸涇縣監生嘉靖四十二年任詳宦績

汪文治南直隸歙縣監生

陳光宇直隸深澤歲貢

梅庭實直隸武邑監生

張紗直隸大興監生

敖得義湖廣竹溪歲貢詳宦績

蔡楠沛縣歲貢萬曆十年任詳宦績

劉庚山東壽光進士萬曆十三年任詳宦績

李致曲直隸慶雲選貢

王吉直隸獻陵歲貢

王必南直隸太倉監生

高擢直隸任邱監生

董良卿南直隸華亭監生

張克復直隸開州監生

謝誼陝西洵陽選貢

楊大光陝西華州選貢

張夢杏雲南安甯選貢

高文祺

宋擇中

黃相才

張謙

張樞

陳朋珪

馬之良

沈邦良

沈時選

張奇和

方大鉞

判官

伍公理正統閒任

鄭恒正統閒任

陳文煥正統閒任

梁真正統閒任

吳宥樂正統閒任

楊人正統閒任

蕭暹正統閒任

李存敬正統閒任

李儀渤海人

王綱河南長葛監生

張翹陝西武功人

曹善山東人

許麟

曹愈河南洛陽吏員

惠英陝西咸陽人

張耀陝西蒲城監生

徐珍

郭愷河南新鄉監生

楊清山東館陶監生

魏 濂山東鉅野監生詳宦績

費 淵直隸潁上監生

戴 麒順天府大城監生

李 純陝西監生

毛 誥浙江知印

徐 翰山東棲霞監生

馮 宣陝西監生

文 魁遼東監生

周 衡錦衣衛恩生

艾希清陝西米脂監生

王 選南直隸江陰監生

愈子獻浙江建德監生

汪文治南直隸歙縣監生陞本州同知

王 翰山東商河吏員詳宦績

孫 綸山東諸城監生

陳遠監南直隸石埭監生

王應元山東商河吏員

唐仲寅浙江嘉興進士行人司降補

邵 綰陝西富平吏員詳宦績

賀有敬直隸束鹿貢士詳宦績

王思賢山東萊縣舉人

李悌直隸興濟舉人陞孝義知縣

杜其漸陝西涇陽吏員

袁三極四川南江選貢

馮翰浙江山陰吏員

汪萬英南直隸休甯監生

張文津順天府籍杭州前衛吏員

張廷璠四川長壽吏員

羅嘉選四川彭山選貢

王民暉後陞白鶴知縣

程天祿

劉應時陝西涇陽人

李初元四川劍州人詳宦績

嚴繼恭陝西臨潼人

劉一化南直隸吳縣人

成景運山東鄒平人以後缺裁

學正

成章洪武閒任

劉章邵武舉人洪武閒任

敦信蘄州人洪武閒任

徐信濟舉人成化閒任

李憲青城舉人成化閒任詳宦績

李守經汝陽舉人成化閒任詳宦績

李華曹縣舉人成化閒任

任諾咸甯舉人洪治閒任陞國子助教歷陞監察

御史

張憲涇陽舉人洪治閒任詳宦績

顏熿上虞舉人正德閒任陞刑部主事詳宦績

王克仁深州人正德閒任

杜懋井陘人嘉靖閒任

全 滋豐縣人嘉靖閒任

廉 淵臨淮人嘉靖閒任

蔚 楷合肥人嘉靖閒任詳宦績

辛繼先 襄城人嘉靖閒任詳宦績

周 瓊 健爲人嘉靖閒任

梁 失名 高唐州人嘉靖閒任

賀 榮河南唐縣人嘉靖閒任詳宦績

戚 憲道 范水人嘉靖閒任

師際 可易 州人嘉靖閒任

李必昌 廣東南海舉人嘉靖閒任詳宦績

段邦寵陝西朝邑舉人嘉靖閒任詳宦績

王熙敬甯陵人萬歷閒任

吳從仕柘城人萬歷閒任

郃永春修武人萬歷閒任詳宦績

嚴允立會稽舉人萬歷閒任

王廷誥容城人萬歷閒任

魏天章平定舉人萬歷閒任

金 衣安平人萬歷閒任

張雲翰江都人萬歷閒任陞建昌府教授

陳學詩安州人萬歷閒任陞天津衛教授

張正脉項城人萬曆閒任陞鞏昌府教授

黃一中黃岡舉人萬曆閒任詳宦績

萬士仰清源人萬曆閒任

曹樹聲會稽舉人萬曆閒任詳宦績

郭居重萬曆閒任

蘇體撰萬曆閒任

田毓華汴梁舉人天啟閒任詳宦績

陳子庭陝西醴泉舉人天啟閒任

蕭棟馬邑人天啟閒任

王在鎬真定武邑人天啟閒任

王家雋澤州舉人崇禎閒任

楊桂芳定陶人崇禎閒任

王子秦屯留人崇禎閒任

白澤綏德州舉人崇禎閒任陞平遙知縣歷陝安

慶府監軍同知詳宦績

李廷駿汝寧人崇禎閒任

高如崙應州人崇禎閒任

康祚嘗保德人崇禎閒任

呂懋修崇禎閒任

訓導

陳 孚永樂閒任

張 捲永樂閒任

馬 偉故城舉人永樂閒任陞長史

馮 毅永樂閒任

劉 敬興平人永樂閒任

楊 顯臨潼人永樂閒任

王 章易陽人永樂閒任

李 敬正統閒任

江 雲麻城舉人成化閒任

李 幾在邱人成化閒任

原书缺页

原书缺页

原书缺页

原书缺页

秦希哲偏關人隆慶閒任

趙晉沁州人隆慶閒任

白杲清滿人隆慶閒任

張伯光鞏昌人隆慶閒任

陳思恩成安人萬曆閒任

朱臯咸甯人萬曆閒任

張時雨長治人萬曆閒任

牛應正岢嵐人萬曆閒任

武惟揚陵川人萬曆閒任

李建時冠縣人萬曆閒任

李時聘河曲人萬曆四任

張惟岳萬曆開任

邵永豐夏津人萬曆開任

任宏喬平涼人萬曆開任

田世芳馬邑人萬曆開任

安宗訓秦州人萬曆開任

馮翊米脂人萬曆開任

張承光富平人萬曆開任

郝應熒崞縣人萬曆開任

宋克柔乾州人萬曆開任

柳汝楠榆林人萬曆間任

賈 豪武鄉人萬曆間任陞知縣

屈大用萬曆間任

邢養道忻州人萬曆間任

張鳳鳴萬曆間任

王體仁清源人天啟間任

馬 貫馬邑人天啟間任

程 鯉潞安府人崇禎間任

吳 喟鳳翔人崇禎間任

徐率性平谷人崇禎間任

李化龍文水人崇禎閒任

薛際昌韓城人崇禎閒任

趙邦靖介休人崇禎閒任

宋文英壺關人崇禎閒任

王命訓德州人崇禎閒任

呂 偉靜樂人崇禎閒任許宦績

吏曰

胡 俊

阮 明

陳 均嘉祥人

張能

王恪會甯人

田鑑白水人

鄭從學正統間任

折政陝西人

高昇陝西人

范聰南鄭人

王鉞吳堡監生

王臣鄜州監生

方崑河州監生

李希善太和知印由典史陞

宋春棲霞監生

葛朝用陝西監生

曹祿陝西監生

李光溥陝西監生

蔣璉河南吏員

雷錫北直監生

郭田濟陽監生

向瑚洵陽監生

齊銳臨潼監生

王之目新蔡監生

李价睢陽監生

師帥監生

常理交河監生

鄭繼善縉雲儒士

邵芳開州監生

秦岩涼州衛吏員陽城典史陞

夏森陝西延安監生

范炳

張何祥符人

關 憲直隸灤州監生

李 積直隸用音監生

田 錫直隸定興吏員

錢 適南直丹徒吏員詳宦績

彭 憑餘干監生

張朝佐直隸薊州吏員

鞏異俗永清吏員

劉啟光固安監生

邵一鶴直隸曲周吏員

李明仕錦衣衛籍壽光監生

童朝儀浙江山陰人

李志韓堆州人

鄭國用浙江會稽人

周宗舜浦江人

彭永年浙江山陰人

鮑訓河中人

范應立硯山人

周六經浙江山陰人

徐一清東海人

史正學金陵人

吉守興鉅鹿人一作束鹿

胡紹芳錢塘人

趙晉錫上虞人

國朝初隸平陽置知州一員同知一員康熙八年缺裁
雍正元年設通判一員吏目一員儒學學正一員訓
導一員陰陽學典術醫學典科僧正司儉正道正司
道正各一員雍正二年改爲直隸州設官如前

知州

陳惟新奉天廣甯人固山啟心郎順治二年任詳宦

續

武職附

康熙五十八年設外委把總一員兵十名乾隆十四年
改設經制千總一員添兵至三十名嘉慶間改撥平
陽兵三名咸豐四年天津出師裁汰二成兵八名現
在兵十九名城守營在貢院東外委把總無從稽考
茲自改設經制千總始

劉存仁太原人乾隆十四年任

張斌夏縣人乾隆十七年任

張廣林平陽府臨汾縣人乾隆二十四年任

季廷棟平陽府人

許 縉繁峙縣人

張 峰平陽府人

李萬全朔州人

武以仁五台縣人咸豐四年任

武占魁平陽府人同治十年任

喬天培繁峙縣人

武以仁五台縣人光緒四年復任

聶源直隸萬全舉人順治二年任詳宦績

馮雷鳴江南金壇進士順治四年任

張雲龍奉天遼陽貢士順治六年任陞平陽府知府

單惺直隸棗強舉人順治九年任詳宦績

薛世望湖廣江陵貢士順治十四年任詳宦績

王琦直隸大興舉人順治十六年任詳宦績

劉顯第奉天東甯貢士康熙二年任詳宦績

張琰圭山東堂邑廩生康熙九年任

曹廷瑜直隸景州廩生康熙十五年任

蒲昌迪四川渠縣舉人康熙十七年任詳宦績

劉 涵直隸宣化廕生康熙十九年任詳宦績

高士鶴直隸灤州貢士康熙二十八年任

魯 史直隸大興歲貢康熙二十年任

董匡祚奉天監生康熙三十一年任

汪曾垣浙江錢塘貢生康熙三十四年任

胡一俊直隸樂城監生康熙三十六年任

賈 暉正紅旗廕生康熙四十六年任

張 棠正藍旗監生康熙五十五年任

黃大成江南山陽貢生康熙五十八年任

許朝棟江甯江陰貢生康熙六十年任

萬國宣江西南城監生雍正元年任詳宦績

李 檉漢軍鑲紅旗人雍正六年任

顧開陸江南無錫進士雍正七年任詳宦績

童 紱直隸左衛籍浙江紹興監生雍正十一年任

詳宦績

邵其德雲南保山進士乾隆六年由翰林院庶吉士

改外任詳宦績

李 高山山東高密進士乾隆八年任詳宦績

宋允清江南長洲人乾隆十六年任

鄭志鯨河南太康進士乾隆十七年由翰林院庶吉

直隸新州志
卷之六
三
士改外任

張成德江蘇丹徒貢生保舉乾隆十八年任

黃捷山江西撫州府宜黃縣進士乾隆三十一年任

盛 綱江蘇常州府陽湖縣進士乾隆三十八年任

鹿 荃直隸保定府興縣拔貢乾隆四十八年任

陳 鎮四川夔州府奉節縣拔貢乾隆五十八年任

葉汝芝直隸天津府滄州附監嘉慶五年任

楊映權江南徐州府銅山縣貢生嘉慶十一年任

葉峻崱江蘇徐州府宿遷縣歲貢嘉慶十五年任

王志融陝西同州府華州舉人嘉慶二十三年任

張 濤順天府大興縣副榜道光二年任詳宦績

呂士淳江蘇沐陽縣監生道光十年任

徐大勳順天府大興縣方略館供事道光二十七年
任

祥 麟鑲白旗漢軍馮騰喜佐領下俄羅斯文館考
列主事道光三十年任

劉 端福建侯官縣舉人咸豐八年任

李廷樟廣西陸川縣進士咸豐十年任詳宦績

裕 彰鑲白旗滿洲成慶佐領下繙譯生員同治三
年任

沈 鍾江蘇蘇州府長洲縣監生同治四年任

陳世綸直隸天津府青縣拔貢光緒元年任言官績
李煥揚河南鄭州拔貢光緒四年任

同知

王義圖山東利津貢生順治二年任陞常州府通判
徐祥燠遼東後衛生員順治六年任陞府通判

孟元吉遼東遼陽筆帖式順治十年任

李 鑾直隸龍門衛選貢順治十一年任

劉有能遼東廣寧人理藩院辦事順治十五年任

劉裕國遼東遼陽筆帖式順治十六年任

夏 瑚浙江永嘉副貢康熙三年任

蔡萃吉福建晉江貢生康熙五年任

張 邕湖廣江夏貢生康熙八年任

判官 雍正元年復設

郭多星直隸東光選貢雍正十年任

辛啟賢直隸武強選貢雍正十二年任

鍾景期江西永豐選貢乾隆三年任

董景舒北直廣平副貢乾隆十年任

段夢日江西樂平選貢乾隆十九年任詳宦績

任鵬遠陝西富平選貢乾隆二十二年任

李友洙浙江杭州府海甯縣副榜乾隆二十五年任
許崇楷福建侯官縣舉人乾隆三十一年任

馬 輝直隸定州拔貢乾隆三十八年任

沈 琦雲南雲南府昆明縣舉人乾隆四十九年任

孫 多河南孟津縣舉人乾隆五十八年任

梁世治廣東嘉應州舉人乾隆六十年任

甘 霖順天府宛平縣副榜嘉慶十二年任

樊德純直隸宣化府懷安縣拔貢嘉慶十五年

張式域江蘇揚州府儀徵縣副榜嘉慶二十

胡坊時安徽甯國府甯國縣拔貢嘉慶二十

蔣知白江西廣信府鉛山縣拔貢道光二年任

紀瑛述直隸河間府獻縣副榜道光二十年任

陳長齡直隸河間府獻縣恩貢咸豐四年任

王希濂廂黃旗漢軍積廣管領下拔貢咸豐六年任

徐德純湖北宜昌府鶴峯州拔貢咸豐十一年任

何大文湖北宜昌府鶴峯州歲貢同治十三年任

學正

戴登雲徐溝人順治間任

史必遵孟縣選貢順治間任

李廷樞順治間任

員奇才沁州人順治閒任由本學訓導陞

張世淳會稽舉人順治閒任詳宦績

李調元蔚州舉人康熙四年任詳宦績

孫進修康熙十三年任

樊載素康熙十七年任

趙瑄康熙二十五年任

程好生祁縣舉人康熙三十一年任詳宦績

董梅平定州舉人康熙四十三年任詳宦績

高尚志大同貢生康熙五十四年任

任之舉石樓貢生康熙五十九年任

馬 暉忻州舉人雍正三年任詳宦績

王錫瓚猗氏舉人乾隆三年任

任用中平定州舉人乾隆十八年任

姜清元大同府大同縣舉人乾隆三十三年任

令狐造蒲州府猗氏縣舉人乾隆四十八年任

郭士奇忻州定襄縣舉人乾隆五十一年任

史 圖解州舉人嘉慶二年任

王履豫平陽府翼城縣舉人嘉慶二十一年任

馮衍洛代州舉人道光十一年任

趙 訐代州舉人道光二十八年任

趙宗先忻州舉人道光三十年任

崔凌漢潞安府長子縣舉人咸豐九年任

喬大魁太原府文水縣舉人同治元年任

邴成鳳解州安邑縣舉人同治二年任

成魯雲澤州府陽城縣舉人同治十一年任

李朝陽平定州舉人光緒三年任

訓導

陳司純保德州人順治閒任

問修極白水人順治閒任

蘇萬方靜樂人順治閒任

員奇才沁州人順治閒任

王 圻陵川人順治閒任

孫家俊屯留人順治閒任

馮鴻遠忻州人順治閒任

程 珀康熙十九年任詳宦績

任獻璠康熙三十二年任

劉之俊康熙三十七年任

李上升康熙四十二年任

梁于宣康熙四十八年任

牛經典聞喜人雍正二年任

趙大德 雍正八年任

張元會 夏縣人 乾隆元年任

王 松浮山人 乾隆七年任

孔繼聖 翼城人 乾隆十九年任

李竹苞 平定州人 乾隆二十三年任

張我觀 朔平府馬邑縣貢生 乾隆二十七年任

孫方旦 太原府興縣舉人 乾隆四十八年任

王鍾彥 太原府文水縣優貢 嘉慶十一年任

李呈芬 隰州永禮縣歲貢 嘉慶十三年任

武化南 汾州府介休縣舉人 嘉慶十九年任

李春山代州崞縣廩貢道光四年任

王汝舟大同府大同縣廩貢道光九年任

陳奉三太原府徐溝縣廩貢道光十六年任

靳世昌汾州府介休縣舉人道光十九年任

喬鶴年解州安邑縣舉人咸豐六年任

侯廷俊汾州府平遙縣廩貢同治三年任

范昌榮平陽府洪洞縣貢生同治十一年任

劉步青平陽府岳陽縣恩貢光緒四年任

吏目

邵光燾浙江山陰吏員

吳克炤浙江山陰吏員

吳俊儒順天大興人內閣供事

李懋順天大興人內閣供事

雷仕俊江西南昌監生康熙九年任

張何康熙三十七年任

章檄會稽人康熙四十九年任歷陞知府

沈昌言雍正二年任

龔振雍正八年任

朱健乾隆六年任

楊蕙湖北人乾隆十七年任

趙其琳直隸人乾隆二十一年任

蕭 在廣東嘉應州監生乾隆二十六年任

胡之郁江蘇通州監生乾隆三十年任

薛君培順天府密雲縣監生乾隆四十六年任

劉金錫順天府宛平縣考授正八品乾隆五十七年
任

席 模順天府昌平州吏滿八品嘉慶二年任

張文煥浙江杭州府海甯州監生嘉慶九年任

夏鴻堦順天府大興縣從九嘉慶十八年任

王 謙順天府宛平縣監生嘉慶二十四年任

俞化鵬 廬壽大興縣從九道光九年任

黃世馨 江西建昌府南豐縣監生道光十六年任

繆炳順 天府宛平縣監生道光二十二年任

董步達 順天府大興縣監生道光二十八年任

趙夢麟 順天府大興縣監生咸豐三年任

姚坦 安徽安慶府桐城縣監生同治十年任

武職附

康熙五十八年設外委把總一員兵十名乾隆十四年
改設經制千總一員添兵至三十名嘉慶間改撥平
陽兵三名咸豐四年天津出師裁汰二成兵八名現
在兵十九名城守營在貢院東外委把總無從稽考
茲自改設經制千總始

劉存仁太原人乾隆十四年任

張 斌夏縣人乾隆十七年任

張廣林平陽府臨汾縣人乾隆二十四年任

季廷棟平陽府人

許 縉繁峙縣人

張 峰平陽府人

李萬全朔州人

武以仁五台縣人咸豐四年任

武占魁平陽府人同治十年任

喬天培繁峙縣人

武以仁五台縣人光緒四年復任

直隸絳州志卷之七

宦績

北魏

陸凱字智君代人仕魏爲給事黃門侍郎在樞要十餘年以忠厚見稱出爲正平太守號爲良吏卒諡惠西魏

楊樹正平高梁人少慷慨值爾朱榮亂以義烈聞拜伏波將軍後從孝武入關以功進爵爲侯後攻拔正平河北南汾二絳建州太甯諸城以樹行正平郡事復襲克東魏薛榮祖轉正平郡守威名大振斥鄰境

據險自恃如司馬恭侯景之徒皆不戰自遁子襲封
泉 企孝武時爲東雍州刺史高歡專政孝武有西顧
之心欲委企以山南之事乃除洛州刺史常州都督
未幾孝武西遷歡率衆至潼關企遣其子元禮督鄉
里五千人出太谷以禦之高歡不敢進梁魏興與洛
州接壤表請內屬詔企爲行臺尙書以鎮之人行臺
賀拔岳以企昔涖東雍爲吏民所懷乃表復爲刺史
詔許之

裴

果字戎昭河東聞喜人少慷慨有志畧周太祖嘗
使并州與果遇果知非常人密附焉永安末從軍討

賊乘黃驄馬衣青袍每先登破敵時人號爲黃驄年
少永熙中授河北郡守沙苑之役率宗黨歸西魏解
玉壁圍摧鋒陷陣所向披靡除正平郡守正平果本
郡也以威猛爲政百姓畏之盜賊屏息歷牧數州皆
稱職卒諡質

王德代武川人雖不知書而斷決處分無以過之在州
未幾百姓懷之卒諡獻

唐 永性清廉家無蓄積世咸稱之

梁 禦字善通其先安定人後因官北邊遂家於武川
少好學長更好弓馬爲政舉大綱民庶稱焉卒諡武

昭

劉亮中山人少儻有縱橫計畧從賀拔岳西征常先登陷陣與諸將謀迎周太祖以勇敢見知爲時名將謀策多合機宜太祖曰鄉文武兼資卽孤之孔明也賜名亮封長廣郡公大統十年出爲東雍州刺史爲政清靜百姓安之在職三歲卒於州諡曰襄

達奚武字成興代人爲賀拔岳別將同翊戴周太祖廢帝元年以大將軍出鎮玉壁量地形勝立樂昌胡營新城三防齊將高苟子以千騎攻新城武邀擊之悉虜其衆周受禪拜柱國武成初轉大宗伯封鄭國公

齊將斛律敦侵汾絳武以萬騎禦之敦退武築柏壁城畱開府權嚴薛羽生守之保定三年遷太保以三萬騎自東道與北道隋公楊忠期會晉陽武至平陽後期不進而忠已還齊將斛律明月遣武書乃班師天和三年轉太傅五年卒諡桓子震襲爵

北齊

傅 伏武平六年爲東雍州刺史七年爲行臺右僕射齊敗惟伏不下先是周主之擒尉相貴也招之不從既克并州復遣韋孝寬招之令其子以上大將軍武卿公告身及金瑤貳酒鐘賜伏爲信伏不愛謂孝

寬曰事君無貳此兒爲臣不能竭忠爲子不能盡孝人所讐疾願速斬以令天下及聞高緯被擒乃降引使宿衛授上儀同大將軍

北周

裴文舉字道裕聞喜人父遂任正平廉約自守每行春省俗單車而已文舉少忠謹涉獵經史爲絳州刺史一遵父政務以德化民總管韋孝寬特相欽重每與談論不覺膝前於席天和初晉驃騎大將軍開府儀同三司尋爲孝寬柱國府司馬

隋

韋世康京兆杜陵人孝寬兄子也父夔養高不仕世康
幼而沉毅仕魏封漢安縣公後從周武帝平齊授司
州總管長史時東夏初定世康綏撫之士民胥悅尉
遲迴之亂高祖謂世康曰汾絳舊是周齊分界因此
亂階恐生搖動今以委公善爲吾守因授絳州刺史
以雅望鎮之閩境肅清世康性恬素好古不以得喪
干懷在任有惠政奏課連最擢爲禮部尙書轉吏部
選用平允請託不行後再拜陳讓願乞骸骨上不許
尋卒贈大將軍諡曰文

梁

軌字世暮開皇初以內軍將軍爲臨汾令

古臨汾
卽正平

郡臨汾民病鹵生物瘠疲因鑿山源開鼓堆泉十三
渠溉田五百餘頃利甚溥民歌頌之爲立祠

按州志梁軌有功水利於今爲烈而府志梁後有
范軌省志梁後有張軌姓異名同而事跡畧同類
意范軌張軌疑卽梁軌歟

陳叔達字子聰陳宣帝子隋大業中爲絳郡通守受學
於文中子叔達下捕賊之令曰無急也請自新者原
之以觀其後文中子聞之曰陳守可與言政矣文中
子嘗在絳出於野遇叔達曰夫子何之文中子曰將
之夏叔達令勸吏息役董崇聞之曰吾知夫子行

矣未嘗虛行也叔達嘗謂薛收曰吾行令於郡縣而盜不止夫子居於鄉里而爭者息何也收曰此以言化彼以心化叔達曰吾過矣退而靜居三月盜賊出境文中子聞之曰收善言叔達善聽後仕唐爲黃門侍郎判納言王凝嘗以文中子傳屬之卒諡忠

李安遠夏州人大業末補正平令時唐主兵起攻絳州安遠與通守陳叔達嬰城拒守唐公子素與安遠善及拔絳撫慰其家乃與同食授右翊衛統軍正平縣公

唐

姜 暮上邳人從高祖平絳郡上言多見嘉納

羅士信齊歷城人大業中年十四從通守張須陁擊賊以驍勇顯武德初歸國以功擢授絳州總管封郊國公從征劉黑闥城陷遇害時年二十八諡曰勇

孔 正高宗時爲絳州刺史士民服其政及卒人皆悼之

李元軌高祖第十四子封霍王貞觀十年授絳州刺史閉閣讀書吏事責成於長史司馬謹慎自守與物無忤垂拱中至陳倉卒

李元禮高祖第十子善騎射始王鄭卽投鄭州刺史貞

觀十七年徙王徐遷徐州都督爲絳州刺史有善政
璽書勞勉賜以錦綵實封至千戶永徽四年加司徒
兼潞州刺史咸亨三年卒

李元懿高祖第十三子封滕王貞觀十年改封鄭王歷
潞州刺史總章中累授絳州刺史赦斷大獄甚平允
高宗嘉之璽書褒美賜物三百段咸亨四年卒諡惠
鮮于紹爲絳州刺史高宗儀鳳中爲同州刺史仍賜絹
二百疋賞清廉也

李元嘉高祖子封韓王垂拱中刺絳州與越王子冲圖
舉兵冲敗元嘉至京師謀泄后逼令自殺

李朝隱字光國京兆三原人以明法舉拜臨汾尉擢至大理丞神龍中爭五王不宜輕用法貶嶺南宰相言其清正上更以爲聞喜令遷絳州刺史復爲大理卿訛武疆令裴景仙受贓言其先寂有國功宜宥景仙得不死後拜御史大夫克嶺南採訪處置使卒諡貞李湛義府幼子沉厚有度襲河閒郡公武后末與敬暉等誅張昌宗張易之神龍中爲絳州刺史累拜左領軍大將軍開元十年卒贈幽州都督

韓思復字紹出京兆長安人長山縣男倫孫舉秀才高第襲祖封爲刺史治行名天下開元中歷絳州拜黃

門侍郎元宗北巡爲行在巡問賑給大使遷御史大夫進伯卒謚文上親題其碑曰有唐忠孝韓長山之墓

嚴 浚華陰人爲絳州刺史威惠並行吏民畏服

嚴挺之天寶閒爲絳州刺史明皇欲進用李林甫忌嫉之因招挺之弟損之佯與叙故舊云當以子爲員外郎又云朝廷待賢兄極深須作一計入京旣冕當有大用令損之取絳郡一狀云有少風氣乞入京師就醫林甫持狀奏云挺之年高近患風氣且授一閒官明皇歎咤久之林甫奏授員外詹事使令東京養疾

郭子儀肅宗寶應初絳州素無積儲歲飢糧賜不充軍士嗟怨突將王元振作亂殺行營都統李國貞大肆標掠朝廷憂其與太原亂軍合乃以汾陽王子儀知朔方河中等節度行營副元帥發京師絹四萬疋布五萬端米六萬石以給絳軍初李國貞治軍嚴將士不樂皆思子儀元振因之作亂子儀至元振自以爲功子儀曰汝臨賊境輒害主將若賊乘其釁無絳州矣吾爲宰相豈受一卒之私耶收元振及其同謀四十餘人皆殺之自是河東諸軍皆奉法

韋

陟字殷卿京兆萬年人安石子襲郇國公肅宗卽

位起吳郡太守欲以爲相使者趣未至疑有顧望意
止除御史大夫杜甫論房琯詞意迂緩陟言其不失
諫臣體王去榮殺縣令帝欲宥之陟謂非宜時拜吏
部尙書久之宗人伐墓相坐不相教貶絳州刺史陟
早有名而爲林甫國忠擯廢及肅宗擇相自謂必得
以後至不用任事新進皆望風憚之多言其驕倨及
入關又不許之京師鬱鬱不得志以疾卒自書陟字
名五朶雲時人慕之號郇公五雲體絳州有遺愛碑
李栖筠字貞一趙人幼孤有遠度莊重寡言舉進士調
尉氏主簿歷改河南令李光弼守河陽高其才引爲

行軍司馬兼糧料使至德中改絳州刺史擢給事中
累遷御史大夫封贊皇縣子卒諡文獻

蘇 震雍州武功人瓌孫詵子彊學有成人風伯父頰
曰吾家有子至德中累拜文部侍郎從廣平王平長
安後爲絳州刺史以勞封岐國公終太常卿贈禮部
尚書

馬 燧汝州陝城人李懷光反河中詔燧爲河東保甯
奉誠軍行營副元帥與渾瑊等合兵討之燧帥步騎
三萬次於絳畧定諸縣降其將馮萬興仕象玉遂圍
絳拔外郭守將夜棄城去降四千人遣李自良定六

縣降其將辛鋹收卒五千

李晟臨潭人貞元元年以神策行營節度使兼河中晉絳等州節度使所過秋毫無犯

沖城貞元初晉絳節度使天性忠謹爲政簡易明肅德惠多及人

李憲晟次子仁季喜儒以理法自矜初調太原府叅軍事歷遷絳州刺史絳有幻人怵民以亂憲執誅之河中兵本仰食於絳而汾可輸河渭歲租與糴常數十萬石憲濱汾相地治新倉當費二百萬請雷垣縣粟糴河南以錢還糴絳粟旣免負載勞又權其贏以

完新倉絳人利賴之卒謚武兄愿亦爲河中晉絳節度使

盧元輔字子望宰相盧杞子以清行聞擢進士歷絳州刺史課最召授吏部郎中進兵部侍郎卒端靜介正人不以杞之惡爲累云

韋武萬年人少孤年十一廕補右千牛累遷長安丞德宗幸梁州委妻子奔行在除殿中侍御史戶部侍郎轉刑部員外郎是時帝以反正告郊廟大兵後典章未究執事者時時咨武武酌宜約用得禮之中羣司奉焉德宗朝爲絳州刺史鑿汾水灌田萬三千餘

項璽書嘉勞憲宗時入爲京兆尹卒贈吏部尙書

杜黃裳字遵素京兆萬年人擢進士元和中爲晉絳節度使達權變有大畧性恬淡後平蜀擒劉闢以功拜平章封邠國公

李漢少事韓愈通古學屬辭雄蔚爲人剛正畧類愈愈愛重以子妻之擢進士第以御史中丞吏部侍郎坐牛李黨改絳州司馬詔有司二十年不得用不數年徙絳州刺史

石雄武宗時爲晉絳行營節度使討劉正狄惟謙梁公之孫會昌中爲絳隰刺史有名稱

唐彥謙咸通末舉進士歷絳州刺史有詩集傳世

楊 損字子默家新昌里與路岩第接岩方爲相欲易其廡以廣第損族仕者十餘人議曰家世盛衰繫權者喜怒不可拒損曰今尺寸土皆先人遺非吾等所有安可奉權臣耶窮達命也卒不與岩不悅使損按獄黔中踰年還三遷絳州刺史

張 圓字直之河南偃氏人以河東從事後攝絳州能聞朝廷卒於汴韓愈作墓銘

樊宗師字紹述蒲州人擢軍謀宏遠科爲絳州刺史有治聲家本饒悉散戚黨進諫議大夫有文譽作錄

園池記

張廷蘊開封襄邑人事晉遷軍校李繼韜叛於潞州爲馬步軍都指揮使將兵馬前鋒至潞日已暮卽率兵百餘踰濠登城城守者不能禦遂破潞州明旦明宗與元行欽後至明宗心頗嫌之後歷絳州防禦使卒廷蘊素廉歷七州家無餘貲

陸辰字祥文陝州人光啟二年進士判絳州嗜學有才思鄭從諱寓絳州與之談宴無閒先後稱之於朝位至清顯歷同平章事再當國罷遇害於白馬驛

宋

錢惟濟知絳州有強奪民條桑者不能得乃自斫其右臂誣以陷人惟濟引問面給以食盜以左手舉筯因語之曰他人行刃則上重下輕今下重上輕正用左手傷右臂也誣者引服

李垂字舜工明道中知絳州修夫子廟還朝閣門祇候李康伯謁之因謂曰舜工文學議論稱於天下諸公欲用爲知制誥但宰相以未曾相識盍一往見之垂曰我若昔謁丁崖州則乾興初已爲翰林學士矣今已老大焉能趨炎附熱看人眉睫以冀推挽乎執政惡之出知均州

呂夷簡字坦夫壽州人蒙正弟子第進士補絳州推官
天聖中參知政事拜同平章事封許國公夷簡於天
下事屈伸舒卷動有操術卒諡文靖

富 弼字彥國河南人舉茂材異等初以將作監丞關
決絳郡多美績士民至今懷之有祠

張 昇字杲鄉韓城人第進士以母老求知絳州忠謹
清直仁宗嘗謂爲孤立云卒諡康節

宋敏求字次道賜進士及第神宗初知絳州後加龍圖
閣學士嘗建言河北陝西河東舉子性朴茂而詞藻
不工故登第者少請令轉運司擇薦有行藝材武者

特官之使人才參用而士有可進之路又州郡有學舍無學官故士輕去鄉里以求師請置學官後頗施行之

李大臨字才元華陽人第進士爲絳州推官杜衍安撫河東薦爲國子監直講終天章閣待制大臨與宋敏求蘇頌稱熙甯三舍人

朱壽昌字康叔天長人天性孝友以將作監丞關決絳州多著美績

謝皓字商老入大學與游權老龔吉老齊名時人目爲三老元豐中第進士歷金部郎官遷司農少卿出

守絳州以公廉稱

聶

昌臨川人靖康中登政府出知絳州遇害

辨見職官

王

庶爲陝西制置使兼節度懷慶涇原兵金婁室大

掠而東庶以書約懷慶帥王似涇原帥席貢欲逼餘虜渡河復限大河自守似貢不應庶爲國拒守金人還師陷絳州

按王庶爲陝西制置使爲國拒守所守者陝地於絳何與焉省志府志俱不錄其祀名宦也未知何據

金

范承吉字寵之進士初從宗翰克宋翰所得金使承吉
司其出入無毫髮欺及還犢車載書史而已擢知絳
州先是軍興民有爲將士所掠而逃歸者承吉遍諭
俾其自實凡數千人具白元帥府許自贖爲良或貧
無貲者以公厨代輸改河東北路轉運使時民賦重
承吉經畫立法簡便官民咸足

高汝礪金城人大定中進士爲石絳二州刺史有政聲
人謂政事文學可比樊宗師富鄭公焉後相宣宗號
爲良相

郭通亳州人大定初擢陝西路轉運司都勾判官時

晉絳戶稅轉輸平涼通監視之官吏無敢秋毫犯二
州民舉手加額後爲絳陽軍節度副使父老咸曰此
昔平涼閔恤我曹者也再期年大治絳人繪像於天
甯寺舍立石紀德終清河防禦使

納爾胡魯刺大名路怕魯歡猛安人寡言笑好讀書承

安二年進士第一除應奉翰林文字貞祐中遷絳陽
軍節度使權河東南路宣撫副使是時兵興胡魯刺
完城郭繕器械料才壯爲鄉兵延問耆老招致儒士
次以備禦之策鹽米儲待勸富民出粟郡賴以完賜
詔褒諭加資善大夫官其次子吾申改權經畧使被

正宗絳州志 卷之七
召以疾不能行卒於絳州

田世英進士河中人博學能文尤長於詩興定二年任
州教授

張升大同人爲絳州錄事趙偉反謂所識者誼不能
從赴水死

張元絳州正平令有治績

元

鐵連乃蠻人居絳州祖伯不花爲宗王拔都王傳鐵

連魁偉寡言有謀畧早歲宿衛王府拔都分地在平

陽以鐵連監隰州中統初調平陽馬步站達魯花赤

至元初宗王海都叛鐵連始終四往返歷十四年上
賞勅所受海都皮服二襲全飾以金朝會服之以表
示焉又謂鐵連曰朝官之要重者惟汝所擇對曰臣
志在王室今於王室未有裨益不敢奉命但臣母在
絳州老且病得侍朝夕幸也詔從其請授絳州達魯
花赤十五年平陽李二謀亂捕問之盡得其狀中書
奏進秩上曰鐵連豈惟能辦此耶加宣武將軍十八
年卒於官年六十四子答刺帶嗣官信武將軍同知
大同路達魯花赤

劉亨安其先范陽人後遷遼東元初國王木華黎經畧

遼東其兄世英率族里隸麾下分兵收燕趙雲朔河東以功充行軍副總管時平陽諸軍數被兵民物空竭世英言於王曰自古建國以民爲本今河東殺掠殆盡異日我師復來孰給轉輸收存恤亡此其時也王善之以絳州邊地難其人奏授世英絳州節度使兼行帥府事卒於師無子國王孛魯命其族兄德仁襲職丙戌金將移剌副樞攻絳州城陷死之木華黎承制命亨安領其衆奏賜金虎符授鎮國上將軍絳州節度使行元帥府事兼觀察使庚寅冬從王師渡河入關辛卯春克鳳翔歷秦隴屯渭陽秋出階道沿

漢抵鄧壬辰會大軍於鈞州敗金人於三峯山甲午
平蔡旣而宋兵二十萬攻汴都元帥塔察兒俾亨安
拒之宋師遂洩塔察兒喜曰真將才也勞賜甚厚丙
申都元帥塔海征巴蜀攻散關破劍門出奇制勝亨
安功居多進圍成都亨安爲先鋒大破之有喬長官
與亨安爭功未幾攻城喬爲砲所傷亨安負之以出
喬感且愧焉亨安從軍累著勲伐所獲金帛悉推與
將佐故士卒感慕爲用子貞嗣職

按省志載劉亨遺安字所錄皆亨安兄世英事亨
安事則未之詳也今考元史與州志合從之

程元直亳州人知支城勸農興學政平訟簡人心悅服
陞知絳州

彭仲德東明人至元中知絳州有遺愛碑

見藝文

李榮祖雲中人至正初知絳州有政績碑

見藝文

宋克篤長白人至正中進士知絳州時稱其文章政事
可方文潞公

靳和曲沃人居鄉喜周貧乏導人以善歷仕知絳州
政治公平

靳柱襄陵人善屬文至正丙戌進士授絳州平澤縣
尋陞監察御史

劉履謙至正閒以絳判知絳縣政績懋著

明

顧登洪武十年知絳州建祀壇葺學宮修治廨規制
悉備

王汝績江西金谿人宣德閒以舉人知絳州躬歷隴畝

勸農桑課勤惰不數年土田悉墾大葺孔子廟修舉
學政子弟雖愚懇懇誨之不倦旁邑民間以事至亦
必教以敦本節用凡有徵集第書片紙付里甲悉踴
躍樂赴無敢後者俗舊好鬪不勝輒輕生親屬厚誣
必致破產乃已嚴禁之有自斃者槩不受理劫盜出

其途能先知卽掩捕置之法在任九年訟息獄空教化大行當考績遽卒上民勒其政績於石

見藝文

李 學河南祥符人正統四年知絳州公廉守法洞悉民隱所與舉咸得體要民肖像祀於羊舌廟

言 芳山東鄒平人成化六年以進士知絳州博學謹守居官清正衙舍蕭然幾可羅雀

劉 觀平度州人成化間知絳州廉勤威斷吏畏民懷居三年乞休獲請卽單車就道循良之迹去就之義不愧古人

賈 定河南通許人成化間以進士知絳州通敏有節

才遇疑難立剖決絳有屠人誘人出殺諸谷中歸而
私其妻不從復殺之而擄其處女鬻他所以滅其迹
事久弗白定廉得之論如法絳有積薪逋者破產糜
家仍無以償定通一州丁戶足其數自是歲無逋者
嘗立善惡二籍歲終覈實誅賞有差會大飢絳獨免
因上救荒八事是年平垣曲盜規畫所及鄰境胥受
賜後改易州尋陞山西按察司僉事

李 憲青城舉人爲州學正施教有方勤而無倦以禮
經授諸生陞萊水知縣

馬 駙澄城舉人爲州訓導長於詩古訓迪有方

李守經汝陽舉人爲州學正以春秋授諸生人多傳誦
焉

徐崇德山東濟甯州人洪治十二年以舉人知絳州置
文廟祭器士林稱之

張 憲涇陽舉人性至孝朝廷旌之廉以持己勤於誨
人士以束脩見者貯之公爲易銅繕祭器勒諸石知
州李文潔有記 見藝文

易 謨河南固始人正德九年以進士知絳州清而有
爲熟悉民間利害興除胥得其宜陞陝西西安府同
知有去思碑民肖像祀富鄭公祠

李文潔江西貴溪人正德十二年以舉人知絳州剛正
明斷清操凜然嘗興學校毀淫祠均賦役鏟豪強在
四年風清弊絕陞建甯府同知去之日民泣送如失
慈母肖像祀富鄭公祠

顏 煜上虞舉人能詩文由州學正陞南京刑部主事
錢 貢蘄水人嘉靖十年以舉人知絳州嚴明剛斷囚
罔常空陞廉州府同知

張文弼深州人嘉靖十七年以舉人知絳州慈祥忠厚
平易近民陞府同知累遷刑部郎中

彭 燦河南靈寶人嘉靖二十年以舉人知絳州有惠

政陞臨洮府同知累陞按察司副使

劉朝麒臨洮衛人嘉靖二十八年以舉人知絳州敦厚愛民剛果執法絳有靈邱藩封招納無賴甚爲民害朝麒正其罪諸宗人欲危之朝麒論以法乃解去陞廣德府同知轉按察司僉事

許用中進士山東東阿人放達能詩陞口北道僉事

金 翮浙江樂清進士嘉靖三十二年以刑部郎中謫任同知有清操署州數月興利除害聲動全晉州舊有牛頭遠赴瑞石驛爲累滋甚申請折銀解納百姓便之詳見所著非非稿諸所節省歲計數千金

州府通判

黃儒河南汝陽人嘉靖三十五年以舉人知絳州修南北城樓

邢化山東臨邑人嘉靖四十三年以官生知絳州廉辨不爲刻覈遇訟獄悉令自拘有以和息請者聽之弗徵贖緩學正李必昌南海人也與其妻並卒於任子女幼弱貧不能歸乃賻以百金擇老嫗及義民護送歸里陴延安府同知致仕

蕭儼江南涇縣監生嘉靖四十三年以兵馬使謫任同知博學工文議論悉本經史舊例冬月汾州架橋

板椿之徵歲以百計春夏水漲濟用舟楫橋置水濱
板多遺失儼署篆命以舊板畱用壞者易之不復徵
銀後遂奉爲成法署臨汾臨晉兩邑俱有聲

張允濟固安人隆慶閒進士以郎中出知絳州丰度威
嚴不事鉤索人自不欺甫一年以艱去先是運司邊
方兩處查盤計歲代屯潞徭銀民多苦累允濟力請
申豁方允半代去後仍全代如故歷陞僉都御史巡
撫山東

蔚稽合肥人爲州學正規範嚴整雖私居必正冠履

紳

辛繼先襄城人爲州學正純朴閒靜有古人風

賀榮河南唐縣人學有本原爲學正講貫不輟評騰
課藝妍媸不爽

李必昌廣東南海舉人工古文詞爲州學正延掌河東
書院督率善誘諸生以得師爲慶陞修仁知縣未之
任卒於絳士民哀之知州邢化爲經紀其喪

段邦寵陝西朝邑舉人剛斷明察庚午北闈同考時稱
得人由州學陞國子學錄戶部主事

郝養民鄜州人爲州訓導忠誠愛士每月試躬爲督率
馬繼直隸永年人爲州訓導講學論文諸生多負笈

門下

張 軌鳳翔人愷信朴茂愛士如子由訓導陞教諭

宋應昌浙江仁和人隆慶元年以進士知絳州州城濱汾常患水齧城應昌至築石堤護之清丈地糧杜絕飛詭公館供具悉以官辦司夜火夫照坊編派閭閻無擾民歌思之歷官右都御史

屈大陞咸甯人隆慶六年以舉人知絳州馭吏以法撫民以寬建寅賓館沐愛坊

李遷喬安邱人萬曆四年以舉人知絳州清廉誠信卒於官士民哀之

敖得義湖廣竹谿人萬曆四年以歲貢任同知性和而
介州人多以產搆訟牧委得義聽之惟理是直一無
所徇陞南安府通判和曲州知州

蔡楠浦縣人萬曆十年以歲貢任同知廉正不阿直
指課吏將示薄戒楠正色曰願聞可戒之狀既得其
狀願置之理及理之而白則拂衣去活民方藥遺愛
尚存

劉庚山東壽光進士萬曆十三年以主事謫任同知
先在南部時以文涉時政遂左遷聲振中外時州守
愎而奢以庚至乃稍自戢庚所到輒題咏寓意忠愛

不涉怨誹未幾以艱去歷陞浙江按察司

尹鳳儀山東新泰人萬曆十四年以舉人知絳州值歲荒拮据焦勞日無甯刻捐俸散賑全活甚衆

白璧陝西清湖人萬曆十八年以舉人知絳州酌汾灘荒地建莊以便開墾人稱白家莊北關水路久湮力爲疏導人多德之

杜濬直隸任邱人萬曆十九年以舉人知絳州廉明能斷片言折獄絳俗故輕生雖小忿輒自斃以累人濬嚴禁之有犯者悉令自瘞俗爲一變與民休養生輕役一人不輕取一物無媿杜母葬致仕歸

王大棟萬曆二十二年知絳州捐俸置學田建文昌閣
盧 點萬曆二十八年知絳州清廉寬厚且有知人之

鑒

范 垠陝西郃陽人萬曆三十年以選貢知絳州恤民
愛士法繩吏胥公庭肅然

張繼東丹徒人萬曆三十二年以舉人知絳州慈祥愷
悌用刑極簡青衿以寒苦告輒賑之不厭其瀆有古
循吏風

方立誠太平人萬曆閒以舉人知絳州文章政事雅思
復古重修州志

朱正寅雲南人萬厯閒以舉人知絳州才識明敏興利除害民資保障焉

管繼良丹徒人知絳州崇尚理學惠愛士民臨行解所佩銀帶以爲修復河汾書院之需

郝永春修武人爲州學正恩撫諸生視猶子弟

黃一中黃岡舉人爲州學正好古能文纂修州志

曹樹聲會稽舉人爲州學正博雅工書從游甚衆

田毓華汴梁舉人爲州學正博學能詩推誠待士歷官

滇南知府陞南部郎中

白澤綏德州舉人由州學正陞平遙知縣武畧特優

擢安慶府監軍同知

雷 翀陝西郃陽人以舉人知絳州忠厚恂悞惠愛士民禱雨輒應禳火反風立殲大豪爲民除害孫學謙第進士仕至監察御史

黨 琬陝西城固人知絳州賢能懋著卓有政聲

孫 順貴州人崇禎十四年以進士知絳州愛民下士不愧循良

魏 濂山東鉅野監生判州事以廉幹聞州城街道濂易以石陞五臺縣知縣

王 翰山東商河吏員判州事操守清潔法令嚴明克

頑斂跡

邵 結陝西富平吏員判州事緝盜安良民深感之
賀有敬直隸東鹿貢士判州事廉明善治盜

李初元四川劍州人判州事一錢不取署州篆甚得民
後罷去遮道送者千餘人

呂 偉靜樂人爲州訓導與貢士陶世徵增設配哲爾
廡贊牌

錢 適江南丹徒吏員爲州吏目有幹才善緝盜

國朝

陳維新奉天廣甯人啟心郎順治二年知絳州廉明誠

懋愛民如子陞大名府知府歷陞巡撫

聶源直隸萬全衛人順治二年以舉人知絳州才識

明敏判斷如流崇文課士振興學校

單惺直隸棗強人順治九年以舉人知絳州恭謹簡

默旁竇盡杜陞工部員外

薛世望字山子湖廣江陵人順治十四年以貢士知絳

州慈良愷悌士民愛戴館餼課士文風丕振

王琦字奇玉直隸大興人順治十六年以舉人知絳

州政事詳明斷獄無滯秋闈分校號稱得士

史必遵孟縣拔貢爲州學正丰儀秀整識鑒精敏歷官

國學部郎陞湖廣衡州道

張世淳會稽舉人潞安府籍氣度寬和才思通敏詩效元白體與多士相唱和任學正二十年陞平陽教授卒以絳爲桐鄉云

劉顯第字澤遠奉天東甯人康熙二年以貢士知絳州有幹才自廢具興優禮士紳重修州志

李調元蔚州舉人爲州學正增修祭器簿正祀典

蒲昌迪四川渠縣人康熙十七年以舉人知絳州廉惠明斷捐俸修學

劉涵直隸宣化府人康熙十九年由廩生知絳州筋

廢弛抑奔競訟簡刑清門無私謁陞戶部員外郎

程 珮長治歲貢爲州訓導才學優裕風雅歸之

胡一俊直隸欒城人康熙二十八年由監生知絳州斷獄明決宵小屏息

程好生祁縣舉人爲州學正博學能文士楷式之

董 梅平定州舉人爲州學正工於詩文課士不倦從游甚衆

萬國宣江西南城人雍正元年由監生知絳州廉幹明敏莅任二年州改直隸更察院爲貢院改天主堂爲東雍書院具載碑記陞歸德府知府歷陞浙江按察

司

馬 曷忻州舉人爲州學正制義清真忠誠待士

顧開陸江南無錫人雍正七年以進士知絳州誠信待
人不愧儒吏

童 紱直隸左衛籍浙江紹興人雍正十一年由監生
知絳州才識明敏振興文教爲書院延師訓課成就
頗衆詳見碑記

邵其德雲南保山人乾隆六年以翰林院庶吉士改外
任方正廉潔一塵不染調任後行橐蕭然饋遺盡却
臨行泣送者數百人

頗衆詳見碑記

邵其德雲南保山人乾隆六年以翰林院庶吉士改外任方正廉潔一塵不染調任後行橐蕭然饋遺盡卻臨行泣送者數百人

王 玢浮山廩貢乾隆七年爲訓導誠信無欺訓士有方

李 一高山東高密人乾隆八年以進士知絳州慈惠廉正盡革行戶供應陋規催糧設立滾單民甚便之

段夢日江西樂平選貢判州事修建衙署厯署縣篆有

政聲

張成德江蘇丹徒人乾隆十八年知絳州歷十餘載政
簡刑清不煩不擾慨然以維持風化爲急因節孝祠
湫隘囂塵無以光祀典捐廉移建棟宇一新重修州
志搜輯靡遺士林稱之

張濤順天副貢道光二年知絳州性仁慈獄囚多所
全活修養濟院立城北義塚州人德之光緒四年呈
請人名宦祠

李廷樟廣西陸川縣進士咸豐十年知絳州潔己愛民
始下車卽除投到討保吏胥勒索陋規因完糧加耗
過多定九三銀以加三五爲準飭立碑永遠遵守詩

擒匪未靖公團練壯丁防堵津垣著有成績輯武經
團鏡分頒各鄉又因州城頽圯守禦維艱諭民集資
修葺越二年城牆俱已堅築陞平陽知府未幾擒匪
竄境城完可守民賴以無虞

陳世綸直隸青縣人已酉拔貢歷官滎河夏縣潞城萬
泉陽曲等縣署忻州升授絳州 賞戴藍翎在任候

補知府公才識明敏遇事有權略咸豐三年在籍辦
團屢著戰績官滎河夏縣時均遭寇警公外禦內撫
民賴以安光緒三四年間絳郡薦饑道殣相望公辦
理賑務驅策羣力事必躬親不遑寢食孜孜懇懇半

年如一日窮民保全甚衆而公竟積勞不起矣先是
三界莊匪民乘機聚衆謀蠢動鄰近不逞之徒互相
觀望勢將並起郡中一日數警公不動聲色集勇役
掩捕之斬二人以徇餘黨分別遣散各村宵小聳懼
或就擒或遠遁消弭巨變於指顧間而賑務得以次
第舉行歿之日州人感泣鳩資建祠以祀